

Ŋwa' wvu bokaŋ bot^{ete} wvu Jon

Fiεε fi nu ê Ŋwa' Jon wvu bokaŋ botete wvun e
Jon wvù teŋe ekole kew le cee ekole ke kentaashe ke
bonyii bo mbee le, to saŋ ŋwa' we wvu bokaŋ botete wvun
fô wee mvu wvu fwe ê kentaashe ke bonyii bo mbee le ε
diee nu Gayus. Wvú nu ε saŋ ε bense Gayus yî nfi wvù
wvú nyaa ê bonyii bo mbee le. Wvú nu ε tefe ten Gayus
le wvú eyenè ekume wee mvu wvù bó to teŋe le Diotefes
njefo wvú to tune keeyuw diew ye le.

Bikuu bi mwεem e ê Ŋwa' wvun e
1-4 Keŋkewce
5-8 ε Jon bense Gayus
9-10 ε Jon lom gee di Diotefes e
11-12 ε Jon bense gee di Demitiyus e
13-15 Kemese

¹ È nu me wvù cee ekole kentaashe ke bonyii bo mbee
le. Me nsaanŋke ŋwa' wvun fô wo le Gayus wvù nsaa yem
shém. Me ŋkooŋke naa wo yî keceey e.

ε Jon bense Gayus

² Nsaa yem shém, me mbunlee le mwεem mvunciim
egene ntay ê keba kuw e, ε wo temyi yî nyam ye le ke no
me ŋkee le wo temyi ê keyoy e. ³ Me nto nu ε n'yuw njoŋ
baay no boom bo bwee wesebeene le bomew to fεεε jan
see ekume no wo leeme yî keceey e bô fitele fiuw ficii. ε
è nu naa keceey le wo bii keceey e. ⁴ Ke fiεε fimew bvuu
nu dvú fi nulo ege é me en'yuuke njoŋ nfele keen'yuuke le
boom bobem bii keceey e ke.

⁵ Nsaa yem shém, lemme di wo lemte fô boom bo bwee wesebeene le, efey mvunciim fô bò nu botolo le, nu ε wo lemte naa læŋ. ⁶ Bó to nu ε see ê kentaashε ke bonyii bo mbee le ke jan ekumε keŋkoŋen kuw. Ê momtè ke fici boba bonyii ê je yì Nyo' shieele le nonen yî læne dibole. ⁷ È keè le bó buy ekfuŋ ε è nu nje diee di Klistu le, ε bó baa etaale nfi mvu ê bonyii bò yaa nu bo Nyo' le ke. ⁸ Nonen, beene keŋke keetomtè boba bonyii, wvu le beene ε bó enù bonyii bò lemte yî fiεε le fimwaŋ ekumε keceεy.

Ekumε Diotefes bô Demitiyus

⁹ Me nto nu ε nsaj fiεε fô kentaashε ke bonyii bo mbee le kenen e, geenen ε Diotefes wvù koonke keelewse ekole kew fwe, faŋε yaa eyuw wee wvù è nu me le ke. ¹⁰ Nonen, me nu ŋke endioo ε nto, é me enjike fiεε fi wvù gee fin fokuse, no wvù ghane kunsene mvuŋkunsen, jemyi díew yì befε ekumε me. No wvù gee nonen, wvù baa cim ffuu bô fifie ke. Wvù tune ten keefiisene boom bo bwee wesebeene le, tune ten fo bonyii bò gomte keefiisene bó efiisenè. É bó dioo gomte keefiisen, é wvù mum kuŋ lo bó ê kentaashε ke bonyii bo mbee le ente.

¹¹ Nsaa yem shém, fo wo ebenenè fiεε fi befε ke. È benenè ε è nu fi jee. Wee wvù gee fiεε fi jee nu wee Nyo', ε wvù gee fi befε nu ε wvù baa kee wase Nyo' ke. ¹² Demitiyus nu fiew wee ε bonyii bocii jemyi mwεem mvù jee ekumε wvù, ε keŋge kew kè jee jemyi ten ekumε wvù. Bese ten jemyi ekumε wvù. ε wo kee lo le fiεε fi bese jemyi ekumε wvù nu keceεy.

Ŋgayma

¹³ Me mbεε ŋkeŋke mwεem nteen keensaj ê wo, geenen ke me ŋkoonke keensaj lo bô εte ke ŋwa' le ke. ¹⁴ Me

n'yene le è shēke caan é me ento en'yen lo wo le, é bee wo ejemyi ε wee yene wee le ê jise.

¹⁵ Nyēkeey enù fô wo le. Nsáa yesebeewo gayte wo le. Gaye nsáa yesebeewo le yicii wee mwaan mwaan bó le, enya ê me.

Ŋwa' Nyo' Moŋkan mo MonƐm New Testament in Noone (CM:nhu:Noone)

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 19 Oct 2021 from source files dated 1 Dec 2020

5b12a3f8-7a2a-5b6f-b1da-1bf94b13fc2e